

Defòra !

La grand-maire disiá mèsme « afòra ! » per faire partir plus vite los chins qu'èran rintrats dins la maison e vos pòio dire que filavan, quasi tant vite qu'un Ben Ali en Tunisia.

Qu'es pas en occitan mas en francés que braman los manifestants d'Africa. E aquò nos fai plaser. D'un còp, e nos i apeitavam pas, dins l'Africa dau nòrd, en Egipta e un pauc de pertot dins aquel caire d'Africa lo monde demandan la Libertat. Demandan pas de pan, pas d'augmentacions, que lo porían faire quand l'òm ves la misèra un pauc de pertot e lo nivèl de las païas, non, demandan la libertat e un pauc de dignitat. E aquò passa per lo depart daus dictators. Per aqueles d'aquí, i a mas los sòus que comptan (veire las fortunas raubaas sans vergonha), per lo pòple i a l'eime, lo gost de la dignitat e de la libertat. Mas la revòlta, coma ès nosautres en 68, qu'es sovent un bon sovenir, i a un pauc d'eschaufament, d'exaltacion, pus ven lo temps de la Democracia e aquí qu'es pas ganhat.

Penso an aquel vièlh professor qu'amava ben nos laisser parler, per que chascun poguèsse dire son vejaire, s'exprimar sus los textes qu'estudiavan. E coma de pertot, quand i a de libertat, arrivan los profitaires e d'aucuns essaïavan de s'amuser e la discussion èra plus possibla. Alara s'arrestava, disiá que, atencion, chaliá faire lo punt.

Aicí sièm en democracia, disiá, tot lo monde pòt s'exprimar, mas sièm sus un fiu, sus una serrena daube de precepics de chasque latz, d'un costat la pagalha, los desbordaments daube los riscs d'injusticia, de l'autre l'autoritat que pòt menar dreit a la dictatura. La Democracia, mos petits, qu'es marchar sus lo fiu, eschapar aus precepics. Aquò demanda una atencion de tots los moments. L'escotavam e auriá pogut impausar sa dictatura per çò que, se l'amavam ben, saviá mai faire portar sa crenta.

Un despòte esclairat...mas èra mai qu'aquò per çò que avèm jamai eissublat que la democracia qu'es jamai ganhat, aquò s'entretien e la fau susvelhar tots los jorns. An pas fenit en Africa.

Lo Revessin

Dégage !

La grand-mère disait « dehors ! » pour faire partir plus vite les chiens qui étaient rentrés dans la maison et je peux vous dire qu'ils filaient, presque aussi vite que Ben Ali en Tunisie.

Ce n'est pas en occitan mais en français que crient les manifestants d'Afrique. Cela nous fait plaisir. Tout à coup, alors que nous ne nous y attendions pas, en Afrique du Nord, en Egypte, un peu partout dans cette région de l'Afrique les gens demandent la Liberté. Ils ne demandent pas du pain ou des augmentations, alors que ce serait possible lorsqu'on voit la misère de partout et le niveau des salaires, non, ils demandent la liberté et un peu de dignité. Cela passe par le départ des dictateurs. Pour ceux-ci il n'y a que l'argent qui compte (voir les fortunes volées sans honte par ces dictateurs), pour le peuple il y a la raison, le goût de la dignité et de la liberté. Mais la révolte, comme ici en 68, c'est souvent un bon souvenir car il y a la chaleur du moment, l'exaltation, mais ensuite vient le temps de la démocratie et alors ce n'est pas gagné.

Je pense à ce vieux professeur qui aimait bien nous laisser parler afin que chacun puisse dire son point de vue et s'exprimer sur les textes que nous étudions. Et comme souvent, quand il y a la liberté, il y a des profiteurs, certains essayaient de s'amuser, empêchant la discussion. Alors il s'arrêtait, disait que, attention, il fallait faire le point. Ici nous sommes en démocratie, disait-il, tout le monde peut s'exprimer, mais nous sommes sur un fil, sur une crête avec des précipices de chaque côté, d'une part la pagaille, les débordements avec tous les risques d'injustice, de l'autre l'autorité qui peut mener droit à la dictature. La Démocratie, mes enfants, c'est marcher sur le fil, échapper aux précipices. Cela demande une grande attention. Nous l'écoutions et il aurait pu imposer sa dictature car, si nous l'aimions bien, il savait se faire craindre. Un despote éclairé... il était plus que ça car nous n'avons jamais oublié que la démocratie, cela s'entretient et qu'il faut la surveiller tous les jours. L'aventure commence en Afrique.